

Svar

**ferðamála-, iðnaðar- og nýsköpunarráðherra við fyrirspurn frá
Þorgerði K. Gunnarsdóttur um hvalveiðar og ferðaþjónustu.**

1. *Tekur ráðherra ferðamála undir það sjónarmið Samtaka ferðaþjónustunnar og fleiri aðila að með hvalveiðum sé verið að fórna meiri hagsmunum fyrir minni?*
Ráðherra er ekki kunnugt um að sýnt hafi verið fram á það.

2. *Telur ráðherra ástæðu til að gera úttekt og samanburð á hagsmunum Íslands, annars vegar af hvalveiðum í viðskiptaskyni og hins vegar þjónustu tengdri ferðaþjónustu eins og hvalaskoðun?*

Já. Sjávarútvegs- og landbúnaðarráðherra hefur falið Hagfræðistofnun Háskóla Íslands að gera úttekt á þjóðhagslegu mikilvægi hvalveiða og áhrifum þeirra á aðrar atvinnugreinar.

3. *Styður ráðherra ferðamála að hvalveiðistefna Íslendinga verði endurmetin?*

Stefna Íslands í hvalveiðimálum hefur byggst á því meginþjónarmiði að viðhalda rétti þjóðarinnar til að nýta auðlindir hafsins með sjálfbærum hætti á grunni vísindalegrar ráðgjafar. Fyrir liggur að endurmat á hvalveiðum mun fara fram þegar núverandi fimm ára veiðitímabili lýkur við lok þessa árs.